

Vi ste ovdje: [Početna](#) ▶ [Vijesti](#) ▶ [Saopćenja za javnost](#) ▶ Pojačanim aktivnostima policije ZDK pronađena droga, oružje i oduzeta dva putnička motorna vozila



Menu

HOME

OGLASI

KONKURSI

JAVNE NABAVKE

ZAVRŠENE JAVNE NABAVKE

VIJESTI 122 I SAOPĆENJA

AKTUELNO

GRADANSTVO

INFORMACIJE

CYBER SIGURNOST

LINKOVI


Arhiva saopštenja

April 2026						
Po	Ut	Sr	Ce	Pe	Su	Ne
30	31	1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	1	2	3

Pojačanim aktivnostima policije ZDK pronađena droga, oružje i oduzeta dva putnička motorna vozila

Objavljeno ponedjeljak, 27 April 2026 14:50
Klikova: 103

Službenici Policijske stanice Tešanj su, poduzimajući mjere i radnje na preveniranju posjedovanja i neovlaštene proizvodnje i stavljanja u promet opojnih droga, kao i procesuiranju lica koja se dovode u vezu sa zloupotrebom opojnih droga, došli do određenih operativnih saznanja o nezakonitim aktivnostima lica K.F., rođenog 1986. godine, iz Tešnja, koje se dovodi u vezu sa zloupotrebom opojnih droga. U skladu sa prikupljenim informacijama i saznanjima, a na osnovu naredbe Općinskog suda u Tešnju, u mjestu Vukovo,Tešanj, izvršen je pretres kuće i pratećih objekata koje koristi navedeno lice.



Izvršenim pretresom, pronađeno je ukupno 543,95 grama materije i 20 komada tableta koje svojim izgledom asociraju na opojnu drogu, 1 digitalna vaga za precizno mjerenje, jedan aparat za vakumiranje i drugi predmeti.

Sporna materija i predmeti su fotografisani, izuzeti i bit će predmet potrebnih vještačenja i provjera, te će biti korišteni kao dokazni materijal u daljnjem postupku. Zbog postojanja osnova sumnje da je počinilo krivično djelo: "Neovlaštena proizvodnja i stavljanje u promet opojnih droga" iz člana 238. Krivičnog zakona Federacije BiH, lice K.F. je lišeno slobode i nad istim je zavedena kriminalistička obrada.

U nastavku ovih aktivnosti, na navedenoj lokaciji je izvršen pretres lica K.H., rođen 1980. godine, iz Teslića, kod kojeg je pronađena materija koja svojim izgledom asocira na opojnu drogu težine 55 grama, pištolj i 49 komada pištoljske municije. Navedeno lice je lišeno slobode zbog postojanja osnova sumnje da je počinilo krivična djela: "Neovlaštena proizvodnja i stavljanje u promet opojnih droga" iz člana 238. Krivičnog zakona Federacije BiH i krivično djelo iz člana 52. Zakona o nabavljanju, držanju i nošenju oružja i municije Zeničko-dobojskog kantona, te je nad istim zavedena kriminalistička obrada.

Izvršenim pregledom lica B.D., rođeno 1989. godine, iz Teslića koje je zatečeno ispred stambenog objekta pronađena je materija koja svojim izgledom asocira na opojnu drogu hašiš težine 5,35 grama nakon čega je lice lišeno slobode i nad istim je zavedena kriminalistička obrada.

Prilikom sprovođenja ove akcije angažovan je tim Specijalne policijske jedinice sa službenim psom obučeniim za otkrivanje narkotika.

Isto tako, pojačanim aktivnostima policije u periodu od 24. do 26. aprila 2026. godine na području Maglaja je od strane službenika Policijske stanice Maglaj, prilikom kontrole putničkog motornog vozila i lica M.E., rođenog 1986. godine, iz Tešnja, pronađena materija koja svojim izgledom asocira na opojnu drogu težine 63,1 grama, dok je na području Usore od strane službenika Policijske stanice Usora izvršenom kontrolom putničkog motornog vozila i lica A.B., rođenog 2005. godine, iz Sarajeva, pronađena materija koja svojim izgledom asocira na opojnu drogu težine 12,14 grama. Navedena lica su lišena slobode i zavedena je kriminalistička obrada, a sporna materija je oduzeta i bit će predmet potrebnih vještačenja.

Takođe su poduzimane aktivnosti u oblasti javnog reda i mira, te je sankcionisano 18 slučajeva uživanja opojne droge na javnom mjestu, 9 slučajeva nepoštivanja općinske odluke o javnom redu i miru, zadokumenovana su 4 slučaja prosjačenja i 2 prekršaja iz oblasti Zakona o nabavljanju, držanju i nošenju oružja i municije Zeničko-dobojskog kantona. U sklopu pojačanih aktivnosti policije oduzeta su 2 putnička motorna vozila od višestrukih povratnika u činjenju teških saobraćajnih prekršaja.

Navedene aktivnosti su potvrdila jednog ozbiljnog pristupa policije na unapređenju stanja sigurnosti u svim segmentima, a posebno u borbi protiv zloupotrebe opojnih droga, te će se i dalje nastaviti sa navedenim aktivnostima, prevenstveno zbog činjenice da ova krivična djela direktno ugrožavaju mladu populaciju i ostavljaju trajne posljedice na njihov život i zdravlje.

Odsjek za odnose sa javnošću, analitiku i planiranje